



Broj:02-02-_____/23-_____
Jablanica, __.__.2023. godine

NACRT

Na osnovu člana 24. stav 1. i 3. Zakona o unutrašnjoj trgovini („Službene novine FBiH“, broj: 40/10 i 79/17), člana 9. Zakona o ugostiteljskoj djelatnosti HNK („Službene novine HNK“, broj: 12/17), člana 34. Zakona o obrtu i srodnim djelatnostima (Službene novine HNK broj: 6/08), člana 7. stav 1. Zakona o javnom redu i miru HNK (Službene novine HNK 9/09), člana 16. i 17. Zakona o zaštiti od buke FBiH („Službene novine FBiH“, broj: 110/12) i člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20) Općinsko vijeće na sjednici održanoj dana _____2023.godine, d o n i j e l o j e

ODLUKU

o radnom vremenu trgovačkih, ugostiteljskih obrtničkih i srodnih radnji i djelatnosti na području općine Jablanica

Član 1.

Ovom Odlukom utvrđuje se raspored radnog vremena u kojem mogu poslovati sva pravna i fizička lica koja se bave trgovinom na veliko i malo, ugostiteljstvom, djelatnosti putničkih agencija, obrtom i obrtničkim srodnim djelatnostima, te organizatori koncerata i manifestacija i priređivača igara na sreću na području Općine Jablanica.

Član 2.

Pod radnim vremenom smatra se istaknuto radno vrijeme i raspored dnevnog, sedmičnog radnog vremena, radno vrijeme u neradne dane, te druge povremene načine obavljanja djelatnosti u kojima pravna i fizička lica obavljaju registrovane djelatnosti.

Član 3.

Raspored radnog vremena mora biti istaknut na vidnom mjestu - na ulazu u objekat ili u njegovoj neposrednoj blizini, te se istog moraju pridržavati.

II POSEBNE ODREDBE

1.RADNO VRIJEME PRAVNIH I FIZIČKIH LICA IZ OBLASTI TRGOVINE

Član 4.

Radno vrijeme trgovina prehrambenim proizvodima



- (1) Trgovine na veliko i malo u kojima se vrši promet prehrambenim proizvodima može se odrediti radno vrijeme svakim danom od 06,00 do 22,00 sata, izuzev nedjeljom i državnim praznicima.
- (2) Trgovine tipa dragstori moraju biti otvorene neprekidno od 00,00 do 24,00 sata svakim danom.

Radno vrijeme trgovina neprehrambenim proizvodima

- (1) Trgovine na veliko i malo u kojima se vrši promet neprehrambenim proizvodima može se odrediti radno vrijeme svakim danom od 07,00 do 21,00 sat, izuzev nedjeljom i državnim praznicima.
- (2) Radno vrijeme apoteka može se odrediti svakim danom od 07,00 do 21,00 sata osim apoteka koje su određene kao dežurne Odlukom od strane Ministarstva zdravstva, rada i socijalne zaštite HNK, gdje je radno vrijeme određeno od 00,00 do 24,00 sata.
- (3) Radno vrijeme trafika može se odrediti svakim danom od 06,00 do 23,00 sata, izuzev nedjeljom i državnim praznicima.
- (4) Radno vrijeme benzinskih pumpi može se odrediti svakim danom od 00,00 do 24,00 sata.
- (5) Radno vrijeme tržnica na veliko i malo može se odrediti svakim danom od 07,00 do 17,00 sati.

Član 5.

Radno vrijeme pravnih i fizičkih lica iz oblasti trgovine nedjeljom, praznicima i neradnim danima

- (1) Rad pravnih i fizičkih osoba iz oblasti trgovine nedjeljom, praznicima i neradnim danima nije dozvoljen na području Općine Jablanica.
- (2) Praznici i neradni dani su oni dani koji su utvrđeni zakonima koji uređuju praznike i neradne dane u Federaciji Bosne i Hercegovine i Hercegovačko-neretvanskoj kantonu, te oni koje proglasi Općinsko vijeće Općine Jablanica.
- Državni praznici su:
- Nova godina (1. i 2. januar)
 - Dan nezavisnosti (1. mart)
 - Međunarodni praznik rada (1. i 2. maj)
 - Dan državnosti (25. novembar)
- (3) Izuzetno od odredbi iz stava (1) ovog člana omogućuje se rad nedjeljom, praznicima i neradnim danima:
- trgovinama koje se bave prodajom pekarskih proizvoda od 07,00 do 12,00 sati;
 - cvjećarnicama od 07,00 do 12,00 sati;
 - trgovinama koje se bave isključivo prodajom suvenira od 08,00 do 24,00 sata.
 - tradicionalni, stari obrti i zanati na području Općine Jablanica od 08,00 do 24,00 sata
- (4) Zahtjev za izdavanje odobrenja za rad iz stava (3) ovog člana podnosi se u roku od trideset (30) dana od dana stupanja na snagu ove Odluke putem nadležne službe Općine, isti se ne može mijenjati sljedećih 6 mjeseci.

2.RADNO VRIJEME UGOSTITELJSKIH OBJEKATA

Član 6.

- (1) Ugostiteljski objekti na području Općine Jablanica posluju svaki dan i to:
- a) hoteli, pansioni i prenoćišta od 00,00-24,00 sata;
 - b) disko klubovi, noćni klubovi i noćni barovi, u zatvorenim prostorijama, od 23,00 do 03,00 sata uz puštanje i izvođenje muzike;
 - c) svadbeni saloni u zatvorenim salama od 12,00 do 04,00 sata uz puštanje i izvođenje muzike;

d) ostali ugostiteljski objekti do 24 sata, objekti sa živom muzikom do 24,00 sata za objekte koji posluju van kolektivno stambenih objekata, a sa živom muzikom do 23,00 sata za objekte koji posluju u okviru kolektivno stambenih objekata, uz jednokratno odobrenje.

(2) Za ugostiteljske objekte iz prethodnog stava pod tačkama b), c) i d) koji u istim izvode živu muziku potrebno je odobrenje (odobrenje za određene dane) nadležne Sužbe Općine Jablanica.

(3) Svi ugostiteljski objekti koji puštaju muziku, dužni su imati ugrađene limitatore-graničnike zvuka.

(4) Za vrijeme turističke sezone u ljetnom vremenskom periodu (od 15. juna do 15. septembra) određuje se radno vrijeme i to najduže do 00,00 sati radnim danom te 01,00 sat vikendom, uz puštanje i izvođenje muzike, za ugostiteljske objekte koji posluju van kolektivno stambenih objekata.

(5) Za ugostiteljske objekte na otvorenom prostoru (bašte, terase i sl.), u ljetnom vremenskom periodu, određuje se radno vrijeme najduže do 00,00 sati radnim danom te 01,00 sat vikendom, uz puštanje i izvođenje muzike za objekte koji se ne nalaze u okviru kolektivno stambenih objekata.

(6) Za ugostiteljske objekte koji posluju unutar grupe Restorani-tipa objekti brze prehrane - fast food-ovi, izuzetno se, uz odobrenje nadležne Službe Općine Jablanica, dozvoljava priprema, prodaja i dostava hrane i pića u periodu od 24,00 sata do 03,00 sata, uz zabranu konzumacije i usluživanja hrane i pića unutar objekata, kao i na površini koja pripada objektu.

3. RADNO VRIJEME PUTNIČKIH AGENCIJA

Član 7.

Objekti u kojima se vrši organizovanje turističkih i poslovnih putovanja i boravaka, mogu poslovati svakim danom od 08,00 do 20,00 sati.

4. RADNO VRIJEME PRAVNIH LICA PRIREĐIVAČA IGARA NA SREĆU

Član 8.

Radno vrijeme priređivača igara na sreću

Priređivači igara na sreću koji imaju odobrenje Federalnog ministarstva finansija na području Općine Jablanica može se odrediti radno vrijeme svakim danom od 07,00 do 23,00 sati, izuzev nedjeljom i državnim praznicima.

5. RADNO VRIJEME OBRTNIČKIH DJELATNOSTI

Član 9.

(1) Objekti u kojima se obavljaju obrti i obrtu srodne djelatnosti na području Općine Jablanica mogu poslovati svakim danom od 07,00 do 24,00 sata, izuzev nedjeljom.

(2) Izuzetno od odredbi iz prethodnog stava, objekti u kojima se obavlja pekarska djelatnost mogu biti otvoreni svakim danom, izuzev nedjeljom, od 06,00 do 03,00 sata u ljetnom periodu, odnosno od 06,00 do 01,00 sata u zimskom periodu, dok se proizvodnja pekarskih proizvoda dozvoljava od 00,00 do 06,00 sati. Radno vrijeme nedjeljom, praznicima i neradnim danima za trgovine koje se bave prodajom pekarskih proizvoda regulisan je u članu 5. ove Odluke.

(3) Obrtnički objekti koji obavljaju djelatnost u sklopu stambeno poslovnih objekata kolektivnog stanovanja, dužni su, radi zaštite od izvora buke, osigurati odgovarajuću zvučnu izolaciju objekta, a radi zaštite od štetnih i neugodnih mirisa i odgovarajući sistem odvodnje ispusnih gasova.

Član 10.

U okviru radnog vremena utvrđenog ovom Odlukom, vlasnici objekata dužni su utvrditi radno vrijeme svoga objekta, uz poštivanje propisanog, ukupnog broja sati, rada u toku sedmice za uposlenike, te ga istaknuti u skladu sa članom 3. ove Odluke i pridržavati ga se.

6. KRITERIJI ZA DRUGAČIJI RASPORED RADNOG VREMENA

Član 11.

- (1) Nadležna Služba Općine Jablanica može, na zahtjev pravnih i fizičkih lica iz oblasti trgovine, ugostiteljstva, obrta, putničkih agencija i ostalih na području Općine Jablanica, odrediti drugačiji početak, trajanje i završetak radnog vremena u određenim slučajevima, vjerskim i državnim praznicima, proslavama matura, svadbi i slično, te u vrijeme turističke sezone (od 15. juna do 15. septembra), najduže do 02,00 sata uz puštanje i izvođenje muzike.
- (2) Za vrijeme održavanja manifestacija i koncerata na otvorenom određuje se drugačiji raspored radnog vremena i to najduže do 01,00 sat.

Član 12.

- (1) Nadležna Služba Općine Jablanica donosi rješenje za svaki pojedinačni slučaj o drugačijem rasporedu radnog vremena, a na osnovu pismenog zahtjeva podnijetog najmanje 7 (sedam) dana prije nastupa situacije zbog kojeg se traži drugačije radno vrijeme razmatrajući sve činjenice opravdanosti zahtjeva.
- (2) Rješenja za produženo radno vrijeme i rješenja za izvođenje žive muzike izdaju se jednokratno.
- (3) Na zahtjev vlasnika trgovačkih, obrtničkih i ugostiteljskih objekata, drugačiji raspored, početak i završetak radnog vremena može se odobriti u objektu koji svojim radom ne narušava javni red i mir i pridržava se radnog vremena, te ako u ugostiteljskim objektima u sastavu ozvučenja imaju ugrađen limitator- graničnik zvuka.
- (4) Rješenje nadležne Službe Općine Jablanica prestaje važiti ako nadležni Općinski inspektor ili nadležna Policijska uprava utvrdi da je došlo do narušavanja javnog reda i mira te propisanog radnog vremena.

III NADZOR

Član 13.

Nadzor nad primjenom ove Odluke provodi Služba za opću upravu, društvene djelatnosti, socijalna pitanja, boračko – invalidsku zaštitu i zajedničke poslove Općine Jablanica putem nadležnog inspektora i Policijska stanica Jablanica.

IV KAZNENE ODREDBE

Član 14.

- (1) Novčanom kaznom od 1.000,00 KM do 3.000,00 KM kaznit će se pravno lice ako ne odredi radno vrijeme u skladu sa odredbama ove Odluke (Član 4., Član 5., Član 6., Član 8.)
- (2) Za prekršaj iz prethodnog stava kaznit će se odgovorno lice novčanom kaznom od 500,00 KM do 1.000,00 KM.

(3) Za prekršaj iz stava (1) ovog člana kaznit će se fizičko lice novčanom kaznom od 200,00 KM do 500,00 KM.

Član 15.

Novčanom kaznom od 500,00 KM do 1.000,00 KM kaznit će se fizičko lice ako ne odredi radno vrijeme i ne postupi u skladu sa članom 7. i članom 8. ove Odluke.

IV PRELAZNE I ZAVRŠNE ODREDBE

Član 16.

Stupanjem na snagu ove Odluke prestaju da važi Odluka o radnom vremenu trgovačkih, ugostiteljskih, obrtničkih i srodnih radnji i djelatnosti Općine Jablanica („Službeni glasnik Općine Jablanica“, broj: 8/19).

Član 17.

Po isteku šest (6) mjeseci od stupanja na snagu Odluke, nadležna Općinska služba je dužna izraditi izvještaj o realizaciji i učinku iste, kao i eventualne izmjene i dopune predmetne Odluke u skladu s nalazima iz izvještaja, te iste dostaviti na razmatranje Općinskom vijeću Općine Jablanica.

Član 18.

Ova Odluka stupa na snagu danom objavljivanja u „Službenom glasniku Općine Jablanica“.

PREDSJEDAVAJUĆI OV-a
Emir Muratović, BA ing. građ.

OBRAZLOŽENJE

Pravni osnov

Pravni osnov za donošenje Odluke o radnom vremenu trgovačkih, ugostiteljskih, obrtničkih i srodnih radnji i djelatnosti Općine Jablanica sadržan je u članovima 35, 36. i 46. Zakona o radu Federacije BiH („Službene novine Federacije Bosne i Hercegovine“ br. 26/16 i 28/18), članu 64. Zakona o lokalnoj samoupravi HNK („Službene novine HNK“ br.4/00), članu 24. stav 1. i 3. Zakona o unutrašnjoj trgovini („Službene novine FBiH“, broj: 40/10 i 79/17), članu 9. Zakona o ugostiteljskoj djelatnosti HNK („Službene novine HNK“, broj: 12/17), članu 34. Zakona o obrtu i srodnim djelatnostima (Službene novine HNK broj: 6/08), članu 7. stav (1). Zakona o javnom redu i miru HNK (Službene novine HNK 9/09), članovima 16. i 17. Zakona o zaštiti od buke FBiH („Službene novine FBiH“, broj: 110/12) i članu 18. Statuta Općine Jablanica (Službeni glasnik Općine Jablanica broj 2/09, 8/16 i 2/20).

Razlog donošenja

Odluka o radnom vremenu trgovačkih, ugostiteljskih, obrtničkih i srodnih radnji i djelatnosti Općine Jablanica („Službeni glasnik Općine Jablanica“, broj: 8/19) je propis koji nije obuhvatio sve segmente djelatnosti koje se obavljaju u Općini Jablanica, pa se ovom Odlukom ovi nedostaci nastoje otkloniti.

Posebno smo naglasak dali na mogućnost drugačijeg rasporeda radnog vremena u vrijeme turističke sezone, dajući podsticaj razvoju turizma u Općini, uz poštivanje javnog reda i mira, ali i mogućnost pružanja adekvatnih usluga vlasnicima/korisnicima objekata u vrijeme turističke sezone.

Ovaj materijal se dostavlja u Nacrtu, pa Služba predlaže, ukoliko se prihvati dostavljeni tekst, da se odredi rok od 30 dana za provođenje javne rasprave o istom.

Sredstva za realizaciju Odluke

Za realizaciju ove odluke nisu potrebna dodatna finansijska sredstva.

OBRAĐIVAČ
SLUŽBA ZA OPĆU UPRAVU,
DRUŠTVENE DJELATNOSTI,
BORAČKO-INVALIDSKU ZAŠTITU,
SOCIJALNA PITANJA
I ZAJEDNIČKE POSLOVE

PREDLAGAČ
OPĆINSKI NAČELNIK